

455/22 - 383

B O S N A I H E R C E G O V I N A
F E D E R A C I J A B i H
Z E N I Č K O - D O B O J S K I K A N T O N
G R A D Z E N I C A

Služba za socijalnu zaštitu, stambene poslove i društvene djelatnosti

Broj: 07-45-12540/22
Zenica: 08.06.2022. godine

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JP "JP za upravljanje i održavanje sportskih objekata d.o.o. Zenica za 2021.godinu,
- dostavlja se

Javno preduzeće za upravljanje i održavanje sportskih objekata d.o.o. osnovano je 30.maja 2001. godine. Odlukom Općinskog vijeća su navedeni objekti kojim će Preduzeće upravljati:

- Kompleks Kamberovića polje:
 - nogometni travnati i tenis tereni sa zemljanom podlogom,
 - otvoreni betonski tereni,
 - teren sa umjetnom travom
- Otvoreni bazeni u Crkvicama
- Kuglana
- RSC Smetovi
- Stadion «Papirna»
- Dom strijelaca
- Naknadno su izgrađena dva najprestižnija sportska objekta „Atletski stadion“ i današnja Arena „Husejin Smajlović“ te malonogometno igralište s umjetnom travom, tereni za skateboarding i „B“ nogometni stadion, takođe sa umjetnom travom.

Tokom 2021. godine, sportske objekte koristili su svi lokalni klubovi, kao i reprezentativne selekcije u različitim sportovima. Među njima su i zenički olimpijci koji su najveći dio trenažnog procesa obavili na Kamberovića polju.

Kompleks Kamberovića polje:

a) Nogometni tereni «A» i «B»

Ove terene u protekloj godini koristile su sljedeće sportske organizacije, odnosno klubovi: NK "Čelik" (sve selekcije - od pjetlića do seniora), ŽNK "Čelik Zenica" (sve selekcije), NK "Čelični grad" (od pjetlića do kadeta), NK „Fortuna“ (sve selekcije), NK „Sporting“ (sve selekcije), Ragbi klub "Čelik" (sve selekcije), Ragbi klub "Rudar" (sve selekcije) i Ragbi reprezentacija BiH (sve selekcije).

b) Atletska staza i Zapadna tribina:

Atletski stadion (ispunjava sve evropske standarde, posjeduje certifikat IAAF-a). U 2021. godini na Atletskom stadionu Preduzeće je bilo domaćin sljedećih manifestacija

- Međunarodni atletski miting najvišeg ranga,
- Državna atletska takmičenja i prvenstva iz kalendara Atletskog saveza BiH.

Preduzeće je na Zapadnoj tribini izdalo u zakup sve raspoložive prostore čime je znatno obogaćena ugostiteljska ponuda na cijelom prostoru Kamberovića polja.

c) **Teniski tereni**

U toku 2021. godine teniske terene koristilo je 5 klubova, a to su: TK «Čelik», TK «Mladost», TK «Euronec», TK „Winner“ i TK „As“. Osim klubova, teniske terene u velikoj mjeri koriste i rekreativci. Zahvaljujući dobroj saradnji sa Teniskim savezom BiH, svi turniri iz državnih prvenstava održani su na Kamberovića polju.

d) **Otvoreni tereni**

Ovi tereni se nalaze na otvorenom prostoru i koriste se bez ikakve naknade (društvena svojina). Svi klubovi ih koriste za trenažne potrebe, osnovne i srednje škole održavaju časove fizičke kulture, a najčešće ih koriste rekreativci.

e) **Svlačionice**

Preduzeće nudi korisnicima šest moderno opremljenih svlačionica u okviru stadiona Kamberovića polje. Potpisani su ugovori sa sportskim klubovima koji su iskazali interes za korištenje ovih svlačionica.

f) **SRK Kamberovića polje**

Pored ovih objekata, na Kamberovića polju u stalnoj su funkciji i dvije šahovske table na otvorenom prostoru koje koriste uglavnom penzioneri, uz dva šahovska stola koja je finansirao Grad Zenica. Na prostoru parkinga na Kamberovića polju u 2021. godini nisu održana sva planirana dešavanja zbog pandemije korona virusa. Luna parkovi, također, u 2021. godini su imali ograničen rad zbog korona virusa. Od iskorištenih objekata u 2021. godini je i igralište za mali nogomet sa umjetnom travom (tzv. Turski park) sa potpunim kapacitetom termina.

g) **Arena „Husejin Smajlović“**

Sportsku dvoranu najrepresntativnijeg sportskog objekta u Zenici najviše koriste košarkaški klubovi: OKK “Čelik”, ZKK “Čelik”, KK “Jumper” i rukometni klubovi: RK “Čelik”, ŠR “Čelik-Junior”, a pored njih koriste još MNK “Neimari”, KRG “Čelik”, ostali sportski kolektivi kao i rekreativci. Zenica je bila domaćin prestižnih manifestacija kao što je Srebrna liga u odbojci za žene i kvalifikacioni UEFA turnir za Evropsko prvenstvo u futsalu u organizaciji N/FSBIH. Arena “Husejin Smajlović” dobila je najveće ocjene Svjetske odbojkaške federacije CEV-a, te UEFA-e i Nogometnog saveza BiH, te gostujućih saveza drugih država.

Tu je i niz ostalih sportskih aktivnosti poput projekata povodom Dana državnosti i Dana nezavisnosti BiH, Međunarodnog košarkaškog turnira Kengur kup, Međunarodnog rukometnog turnira prijateljstva u organizaciji ŠR “Čelik Junior”, Međunarodni rukometni turnir u organizaciji RK “Čelik”, i drugo. U aprilu i novembru mjesecu bila su planirana dva velika koncerta regionalnih pjevača, ali su svi koncerti odgođeni zbog korona virusa, te je preduzeće izgubilo značajan prihod.

Također, zbog Covid-19, u 2021. godini nisu održane manifestacije Dana djeteta Republike Turske na kojem svake godine učestvuje više od 7000 dječaka i djevojčica iz svih krajeva BiH, niti je održan neizostavni događaj promacija studenata Univerziteta u Zenici.

Kompleks gradskih bazena u Crkvicama:

U sezoni 2021, Gradski bazeni dosegli su granicu izdržljivosti, posebno kada je vodotok u pitanju. Nastale su velike pukotine na cijevima, kao i u bazenima gdje se voda ne može duže vrijeme zadržati. Zbog toga, dolazi do ubrzanog pražnjenja bazena i nesigurnosti rada istih. Procjenjuje se da bi projekat rekonstrukcije koštao oko 5,5 miliona KM. Ljetna sezona 2021. godine, imajući u vidu vremenske prilike, i ostale nepogodnosti, kvalitetno je iskorištena.

Kuglana:

Preduzeće ima potpisan ugovor sa firmom Kurtagić consulting d.o.o. Zenica kojim su regulisana sva prava i obaveze kuglane. Zbog pandemije korona virusa navedeni zakupac bio je prinuđen zaustaviti rad što je dovelo do nepovoljnih okolnosti kako za zakupca, tako i za Preduzeće.

RSC Smetovi

U 2021. godini ugostiteljski objekat je bio u funkciji gdje je osposobljena i još jedna dodatna prostorija za boravak gostiju, te je dostupan svim posjetiocima, a objekat je izdat putem javnog poziva firmi PPUP "Salčinović" d.o.o. Zenica koji su preuzeli obavezu sigurnosti i redovnog održavanja objekta.

Dom strijelaca (Streljana)

Trenutno Dom koristi Streljački klub Zenica, firma „Shot“ i druga slična udruženja. Objekat je vrlo specifičan i zahtjevan za održavanje.

Stadion Papirna

Glavni dio objekta (stadion) trenutno je van funkcije zbog nepostojanja dovoljnih sredstava da Javno preduzeće krene u projekat sveobuhvatne rekonstrukcije, dok je dio objekta tzv. „Partizan“ u upotrebi i koristi ga Sportsko društvo „Winner“ koje okuplja pedagoge tjelesnog odgoja i vaspitanja.

Održavanje javne rasvjete u Gradu Zenica

Svake godine na osnovu Ugovora sa Gradom Zenica, Preduzeće obavlja poslove na održavanju javne rasvjete i dekoracije Grada Zenica. Posjeduju kompletnu opremu koja je neophodna za obavljanje takve vrste poslova, ali i druge poslove iz domena rada preduzeća (kamion sa dizalicom i kamion putar). Dio dekoracije je Javno preduzeće nabavilo i na taj način upotpunilo ukupan dekorativni sadržaj tokom zimskih blagdana.

Uporedni pregled ukupnih prihoda i rashoda 2020 i 2021.g.

	2020	2021
PRIHODI	1.431.197,00	1.452.201,00
RASHODI	1.641.364,00	1.578.778,00
OSTVARENA DOBIT	- 210.167,00	-126.577,00

Preduzeće ima ukupno 30 zaposlenih i raspoređenih radnika.
Struktura zaposlenih prema kvalifikaciji u 2021. godini

VSS	4
VŠS	0
SSS	7
NSS	0

VKV	0
KV	2
NK	17

Nadzorni odbor je utvrdio da je rad direktora Preduzeća bio zasnovan na utvrđenoj poslovnoj politici, pa je na osnovu Izvještaja o radu i poslovanju Preduzeća za 2021. godinu, Izvještaja o radu direktora u 2021. godini i vlastitog izvještaja, dao pozitivnu ocjenu o radu za direktora ovog preduzeća.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Preduzeća, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JP za upravljanje i održavanje sportskih objekata d.o.o. za 2021. godinu na razmatranje.

PRILOZI:

1. Izvještaj o radu JP za Upravljanje i održavanje sportskih objekata Zenica za 2021.godinu;
2. Bilans stanja na dan 31.12.2021. godine;
3. Bilans uspjeha za period od 01.01.2021. do 31.12.2021. godine;
4. Odluka o usvajanju Izvještaja o radu u 2021. godini ;
5. Izvještaj o radu direktora JP;
6. Ocjena Nadzornog odbora o radu direktora
7. Zaključak Nadzornog odbora o usvajanju Izvještaja o radu JP

DOSTAVLJENO:

1 x Naslov

1 x a/a

Šef Odsjeka za društvene djelatnosti
Z.I.



Pomoćnik Gradonačelnika
Sumea Mujkanović